

岂必荣名争物宠，不堪妖媚受情伤。
看卑微处活真我，听冷寂中飞暗香。
为有深纯元气在，荒山野地满芬芳。

金娃娃萱草

惭愧时风赖入妆，君心如镜我花黄。
素颜常笑画眉鸟，柔骨还羞刺血蔷。
守住童真听物语，放开野性酿幽香。
凭谁泪眼松阴下，约会萱儿醉草冈。

郝善敏

慕 菊

风吹叶绿沐春阳，露洒中秋蕊绽芳。
百卉开时无菊影，千红落尽独花香。
休争雪压寒梅艳，且伴波摇野岸黄。
宁愿枝头枯冻死，不辞篱下傲晨霜。

刘安坤

春 韭

谁占风光向早春，我家小院一时新。
寒温不改初辛味，何惧人间割剪频。

随处履痕

郝为安

金山巨野四首（选三）

金山巨野怀古

遗世堪怜岁月深，灵山风物许开襟。
烟霞尽弭金银气，泉洞犹涵天地心。
磴上清虚松凜凜，脉连岱岳势沉沉。
凝眸大野朦胧处，一柱岿然镇古今。

巨野金山属泰山余脉，泉洞错落，松石掩映，观宇森然，香火旺盛。人称“天下之中第一山”。

金山避暑洞

一洞森森远俗尘，金销兔走与谁论。
日秦日汉癖侵石，藏古藏今气润人。

虎帐风寒催令箭，禅关烟暖净凡身。

崖间文墨非关我，斑驳依稀辨未真。

金山大洞现称秦王避暑洞。开凿时相传见金见兔，后辟为西汉刘贺冢，贺亡冢废。亦传为秦始皇，李世民东巡时在此避暑，刘邓亦曾在此指挥羊山战役。崖壁隐现历代名人题咏，如今诸佛杂陈，香客不绝……

麒麟台

松荫竹影向风开，大野春深客独来。

隐约碑痕通上古，参差石隙浸青苔。

一隅空负狩麟恨，长叹难酬绝笔哀。

俯仰未成杯酒祭，夕阳无语照荒台。

鲁哀公西狩获麟处。

边郁忠

登回雁峰

山径襟微雨，望亭暂倚松。

阶幽多绕石，寺古近闻钟。

隔竹花随见，离群鸟偶逢。

为寻回雁处，云岫问遗踪。

过雁峰寺

佛殿临渔浦，天声入磬开。

烟浮岳阳近，钟下洞庭迴。

雁阁当春望，花溪适旅醅。

早莺何处树，客路解频催。

携妻南行车过长江

偕行别残雪，尘鞅下江关。

率意游真冶，寻常老最闲。

情深通楚水，梦远绕吴山。

相对谑年少，夜来疏鬓斑。

通渭道中

一

野戍平云脚，丘原斑驳青。

土贫耕润峒，屋仄起烟垌。

狎水野凫见，惊怀风壑听。

何询古丝路，驿马过曾经。

二

偶滞平襄镇，陇风吹麦秋。

丹青居所爱，苜蓿稽人谋。

五古秦嘉句，双鱼徐淑愁。

残山存旧垒，共与夕阳浮。

偕游早春宿洞庭

吹尘春水暖，归枕旅怀宽。
楚竹新承雨，吴音竞入栏。
倚歌行不易，问俗意非难。
星鬓向灯下，山荆老耐看。

过君山

晓雾腴遮目，君山路几何。
迷花问山鬼，凭水吊湘娥。
云梦即三月，风骚在九歌。
远游随节物，老鬓不妨皤。

雨后登回雁阁

襟胸洞庭阔，霁色入花薰。
水静照春榜，峰孤歇楚云。
轻红扶槛得，重碧划城分。
回首衡阳雁，新规北上群。

陈春玲

寻屈原故居

万里长江荡碧波，截流大坝抖云河。
听涛台上声声问，筑石坪前浩浩歌。
北岸忽传吟橘颂，南山远眺动金戈。
秭归今夕邀明月，天上人间祭汨罗。

赵雪峰

忆游杭州灵隐寺

灵鹫飞来程十万，三门咫尺一何远。
冷泉契此石中藤，癫语济人坛下愿。
若个心迷名利场，凭谁果证香花券。
清凉安用指钱塘，欲渡欲留都不劝。

奚晓琳

甲辰上巳节前香炉湾滨海公园独坐

晴碧岚湾海气深，缘香桃月入琼林。

采春蝶侣穿花径，逐羽鸥汀合浪琴。

园下肩摩人不识，客中杯浅意难斟。

耽行此际梦云老，一任棕风吹满襟。

甲辰正月初一岭南寒流中见家门
口桔树陈果未去又着新花

一夜风吹满树香，雪团新簇老阶旁。

枝头蕊抱寻春蝶，檐下灯悬辞旧章。

笼日寒尘差可避，封门疫事詎堪详。

犹存记忆陈年果，宿鸟声中已泛黄。

卢继清

鼓浪屿

波摇浪鼓惹流连，岛上优游恍若仙。

拂海日光凌紫气，托云笔架阅苍烟。

琴园独奏桃源曲，竹影长吟世外天。

漫步沙洲圆一梦，带回鹭水润心田。

滕王阁

一楼雄峙屹云天，高挂奇文自结缘。

九曲桥头听逝水，千秋名序目岚烟。

鸢飞依旧眉尖起，霞落无忧画里眠。

不竭赣江今有幸，滕王信可续新篇。

温州百丈瀑

高天飞瀑挂峰前，三叠涟涟百丈悬。

翠岫争鸣幽谷底，银河信落白云边。

鸟啼涧壑听溪曲，水溅衣肩赏雨烟。

诗画一帘惊远客，尘埃滤过自悠然。

八一起义纪念馆

近瞻雕像拜群雄，馆里流连叱咤风。

阵阵号声犹在耳，熊熊炮火似凌空。

洪都作序山河壮，勇士新征日月同。

八一军魂撼今古，丹心铸就帜旗红。

八声甘州·黄鹤楼

趁归来黄鹤秀凌霄，乘兴访名楼。看云缠霞绕，烟波叠翠，一醉春眸。是处诗仙犹在，鹦鹉扮新洲。更有无双景，古韵悠悠。不辍登高临远，望群山渺渺，万里横收。叹晴川历历，极目楚天游。势连岳、千年谁比，卷开怀、独揽大江流。心期共、别过风雨，激荡沉浮。

吴少文

访老君山

诚然问道闯雄关，绝壁高峰任我攀。十里画屏修圣境，九重金鼎悟仙山。苍鹰入静风多虑，瑞雪寻幽鸟未闲。不上南天拼一爽，那来快意挂眉弯。

登中天门

索道悬空浑不惊，缆车飘逸一身轻。游龙隐见盘山谷，飞鹤微茫卧草坪。

壁峭岚柔豪气爽，云高雪洁俗尘清。中天门下寻仙迹，老子骑牛自在行。

拜龙门石窟

残龕断像遍西东，望尽摩崖涩眼蒙。千载浮屠千载毁，一场浩劫一场空。佛修伊阙经寒雨，鱼越龙门历劲风。大禹余威今若在，焉容贼寇犯禅宫。

拜卢舍那大佛

御马京郊急进香，宠臣献媚谏吾皇。去来礼佛寒风凛，朝夕吟经朔气凉。谨以君容雕玉魄，聊尊圣意镀金光。参禅悟在宫廷里，近拜何嫌辇路长。

龙门抒怀

伊水悠悠画页长，龙门卷帙绘华章。斑斑法相不堪蚀，脉脉禅心那忍伤。石窟凄然忧咫尺，斗崖恻矣惜苍凉。情迷圣境春风畅，悟透空冥释远乡。

登云台山

天阶柳鬓劲风裁，瑞雪悠然下九垓。岚薄峡红迷涧壑，瀑幽珠翠净尘埃。子房隐世皇门别，真武修仙鹤羽开。

览尽山光拼逸兴，苍鹰伴我啸云台。

刘显双

秋日游梅小野星光花海

梅野花香引客来，零星细雨浥尘埃。
秣颜真作胭脂看，十里熏风化不开。

满庭芳·梦回知北村抒怀

秋入名村，人寻旧貌，瞬间逆返
当年。大红灯盏，次第挂窗前。燕子
穿梭檐下，知人意，相对缠绵。知何
者，克隆万象，故里在身边。天
凉，来此地，房中炕暖，房顶炊烟，
大食堂、人声笑语喧喧。多少天涯倦
客，留恋处，暮宴朝欢。争知我，一
腔思绪，残月照无眠。

陈 波

与祭三苏祠

露瓦高轩晓气清，风蝉嘉树不空鸣。
昨宵雨洗眉山月，今日云开飨殿楹。
鼎峙文峰历千古，自安心境任平生。
满庭学子同垂首，竟使衰翁老泪横。

赵 波

除夕夜

百步徐徐灯火融，随来集市去年同。
劈椰压蔗杯痕绿，挂福悬联门面红。
铁塔流明逢子夜，歌台击鼓释东风。
金龙盘壁遥还近，饮就光华满玉盅。

曹 宏

卜算子·梦湖秋色

把盏唱渔歌，榆景谁人共？黛影
飞霞看夕阳，更有心萌动。 打桨
泛轻舟，侧畔金波纵。撒向星湖旧忆
中，一网青春梦。

曹卫正

过葛州坝

行阻西陵峡莫开，平湖吞谷日边徊。
虽无羽翼千寻越，水涨船高扶上台。

游恩施大峡谷

一涧清流出两山，空蒙雾雨各幽闲。
君沿陡峭邀深谷，携手秋风岩壁间。

鸭绿江眺望

入岫同岚远黛牵，游云离境水中缘。

嫣花昂首迎风曳，枫树依坡带血燃。
一盏天池溯源酒，三江波浪敛回川。
深秋极处山襟敞，着墨心湖沁大千。

赤壁怀古

锋交赤壁火摧坚，百万强师疾转怜。
羽扇轻摇舌掀戟，鄱阳苦练悍凌船。
灰焚檣橹殫精作，梦断江南夺命烟。
倚势东风连袂起，三分天下笑挥鞭。

鹧鸪天·故宫

欲考明清鉴古宫，轴心分线各西
东。高权深垒三宏殿，扇底轻揉六院
风。
笼内鸟，日边鸿，金钗钟表玉玲
珑。九龙垂下嫔妃梦，烟雨漂摇萧瑟
中。

关文礼

梅 雨

青山隐隐雾飘飘，遥看连天涌浪潮。
雷炸声中千障雨，帘垂檐下万丝绦。
云烟莽莽迷白鹭，花伞芸芸架彩桥。
极目农桑平野地，更惜玉露润禾苗。

韩雪梅

临江仙·登天竺山访玉兰花有思

林暗山深曲径引，云开玉影倏
然。虔身未近已香连。羽衣迷客醉，
瑶蕊若诗禅。许是前盟忠恪守，
年年擎暑凌寒。苦心孕蕾待春烟，娇
容一亮相，清梦惹魂牵。

临江仙·登太武山感怀

仲夏轻推腴绿涌，骄枝艳果修
成。新蝉百鸟奏和鸣。眼搜巅下景，
脚踏路边风。曲径棘蒿岩挡路，
气吁只为前程。高低磕绊总难平，顺
逐皆意愿，坎坷是人生。

珠帘卷·卓湖女子舞蹈队

风拂柳，水涟漪，湖光弄影朝
夕。幽韵清歌回转，佳人飘袖衣。
心悦体轻沉醉，花姿曼妙蝶迷。应问
月娥临处，多少愿，可相宜。

异乡湖边黄昏吟二首

一
薄暮平湖草影微，一声白鹭绕云归。
夕阳此刻情难了，挥笔山边炫彩辉。

二
湖岸楼林剪影城，灯光点点汇繁星。

由来一种熟悉景，忽上乡心故里行。

贾宝良

游仙人湖莲塘遇雨

霏雨催红藕，炎风染绿萍。

瞋蛙浮水唱，凤蝶隐身听。

人道循天道，花翎护雁翎。

荷田仙鹤落，衔韵入丹青。

孟 红

游元阳哈尼梯田

千层田野阔，七彩燕莺低。

雾锁朝山隐，蛙鸣暮夜齐。

余情连浅梦，诗绪绕云霓。

已在桃源里，不期仙境迷。

走进新疆火焰山

砂峰万古傲天边，烈焰熔金照大川。

风暖微尘轻漫舞，云蒸热浪炽如燃。

长空雁影无踪迹，深壑流沙少碧泉。

谁忆丝绸辛苦路，繁华一梦越千年。

注：火焰山曾是当年丝绸之路通道

新疆柴窝堡湖上泛舟

轻舟独泛亦悠然，划过苍茫芦苇边。

隔岸雪峰犹揽日，近帆鸥鹭似寻鲜。

心随碧水归宁静，身在桃源忘岁年。

谁道人间无胜境，柴窝湖上赛神仙。

鹧鸪天·版纳幽居

一抹山岚近户门，兰亭那处渐氤
氲。半遮墙外芭蕉树，半袭窗前花卉
盆。

艳阳烈，翠坪新。四方庭院更无
尘。人生也似迷离梦，散却浮云即本
真！

鹧鸪天·与同学重逢

一别江城又十年，而今回首各悠闲。
君吟书海清辞语，吾种诗城白玉田。

从别后，见时难，不期相遇水云间。
相携林雨同追忆，频举金杯不夜天。

石 月

再忆瘦西湖

去年轻别后，梦里几重游。
水映桃花色，波行画舫舟。
竹身藏石径，鸟语绕桥头。
无计听箫曲，诗情或可收。

防川东方第一哨

图们江畔驻神兵，绿色军营铁打成。
晨对朝阳巡界岸，暮陪星月守边城。
常闻三国犬鸡吠，时见双邻灯火明。
风雨身担心不悔，东陲前哨写峥嵘。

珲春防川登龙虎阁

边城五月冷还侵，虎阁登临意难禁。

望海才知连咫尺，观山更信系身襟。

夏花可见界墙外，土字常存民族音。

一路向东非看景，鸡鸣三国总惊心。

*土字，是土字碑。

许丽欣

夏日登辽源魁星楼

龙山紫气渡巍峨，雕栋危楼对玉河。

千蹬幽深仙不远，九宫虚迥世无多。

登临许我三重愿，俯仰观他一水波。

更待魁星授椽笔，兴来亦赋大风歌。

盛夏赴大安凤羚湖畔民宿

阳光肆意炙丘沙，无尽川原间绿华。

蒙古包中千盏酒，凤翎湖畔一篱花。

天边寄兴歌初放，塞上行吟影半斜。

野草萋萋村店绕，应知有梦到天涯。

端午前一日游神鹿峰

山凉拂拂翠华浓，信步闲游第一峰。
沟壑清幽萝影动，烟霞迢递鸟声从。
鹿鸣深谷花相接，身探巉岩仙可逢。
至此登临须放眼，碧涛风涌落云松。

满庭芳·南湖赏荷感吟

湖水清幽，柳梢浮漫，翠姿婷立
波中。粉苞斜影，摇曳藕花红。更许
芙蕖散逸，拂青岸，凝露香浓。长亭
望，流光剪韵，碧靄隐船篷。 匆
匆。佳梦短，新莲及目，柔芷抽丛，
怕憔悴残霞，零落西风。多少芳华遗
恨。莫须叹，本就从容。凭谁问，怡
然当下，由我自玲珑。

游南湖见隐荷花中小船

滴翠荷烟漫镜台，湖亭掠影水光裁。
扁舟一叶横蓬碧，静等佳人踏月来。

初秋晚伊通河边露营

柳下围炉享晚凉，千波秋水送荷香。
梢分新月清晖淡，露接薄烟幽兴长。
物外看花何遣意，天涯走马几沧桑。
浅吟低酌闲情寄，暮色沉沉风满塘。

杨春芝

七夕游仙人湖

曲径追风至，荷塘倚岸裁。
青蜓迷绿藕，彩蝶逗婴孩。
铺地野芳杂，环廊秀树栽。
一池清静水，烦恼释尘埃。

史宝琴

登望江阁

三江望远泛烟光，缓缓清波过莽苍。
多少传奇心上涌，兴衰此际又思量。

观红石峰海浪崖

辞离海底跃平湖，影落群山景自殊。
万物超然猜不透，世间莫叹有和无。

王巨山

登花砬子山咏叹调

高悬峭壁彩云间，石栈飘乎多少弯。
树挺身姿摇翠绿，风添花瓣显悠闲。
轻盈雁影难飞过，灵巧獐狍不可攀。
岁月加增仍未老，游人到此乐开颜。

杨瑞霞

寄意游黑瞎子岛

寄意聊随抚远游，遥看东极竖边楼。
始知得失苍茫事，原有兴衰寂历秋。
士驻阡关风影动，熊归故里鸟声酬。
高山晓占还须记，云去千寻豁眼眸。

梦里草原

晴光夏日发奇兵，坝上围栏逐旆旌。
风送边声寻快乐，云随古调出烦城。
怀同一路青山绿，爱远清溪碧水情。
花色草茵奔马劲，可于斯景作行营。

春游黄山遇大雾

烟云一路绕峰头，雪浪浮空恣意流。
岩壁逶迤山失状，苍松掩映霭添柔。
谁知欲近斑斓共，却是频移飘渺酬。
惊有风生夕辉照，光明顶上醉双眸。

思游元上都

随看最喜草原图，吾亦浑如到上都。
宫殿故园迎皎日，丝绸长路望青蒲。
古今惟载朝还暮，兴废但闻荣与枯。
几代帝王行已远，金莲川北见平芜。

马淑坤

壶口瀑布

白练飞流天地惊，琼珠狂掷势峥嵘。
烟波卷起壶开口，呐喊神州奋进声。

孙佐家

云中游

云里滇中看丽江，玉龙峰顶映寒霜。
三山屏障一川水，九鼎石桥五色光。
曲径花街藏木府，蜿蜒小巷有萧墙。
古城文化超千载，仙乐天音意境长。

于柏常

新秋入德惠

云黛暄温望不收，果香真已罩街头。
时怜瓠下相如渴，转念烟中杜牧愁。
江月此时生白露，稻天明日变黄州。
诗城多是东坡路，紫燕簪花一侧讴。

房山道中

合尖花瓣粉相迎，荷露侵阶几叶晴。
树影清凉云影叠，野风冒昧扇风轻。
愁兰混世如冯道，叹鸟扬言学祢衡。
斜雨敲禾临近耳，诗纲闪后未分明。

迪拜河游船

交汇双船复自长，空调高冷坐秋霜。
桌间游刃裙裾舞，勺上回盘枣栗香。
肤色大多为国色，夕阳几处似双阳。

皂袍裹脸如何食，一起唇帘口一张。

张春和

晚憩锅盔新村

雅兴斟昏夕，迟来花落荫。

月升丝管起，风急寺钟沉。

红果山乡梦，绿窗归鸟林。

无心聆野籁，拈句试重吟。

幽居

沙路两三里，荒村四五家。

危峰松独翠，寒屋菊繁花。

心静听山籁，身闲试蕊茶。

吟风人望月，开户鹊啼霞。

朱文杰

海南中秋

远山云影渐稀薄，高树蝉声如断簧。

又是虾肥螃蟹嫩，正当柚蜜桂花飏。

静迎明月情犹醉，轻挽秋风葩也香。

背篓枝头收幸福，斜晖乘兴唱黎乡。

海南收椰

欲逃伏热趁晨昏，翠岭蒸烟少路人。

摘实千干云捅破，分林万篓汗流贫。

斜晖日落拖长影，小径山空绕远滨。

借得灵霄仙露果，入喉一碗爽精神。

张德生

羁旅三亚拾句

一

常有消闲兴，园林自去来。

清香素襟满，佳色醉眸催。

舟荡池塘小，蹊长杖策哀。
阴晴难定里，皆是好怀开。

二

时路总无记，然闻岁杪声。
遥街购年货，隔树啭春莺。
旅次一头白，疏闲三径横。
回眸算长短，吟圃怅荒耕。

三

阳和贴背暖，步履意迟迟。
碧水鹭堪戏，斜堤绿半垂。
花摇蝶牵目，琴韵舞多姿。
小艇闲游弋，如犁波亦奇。

四

烟晚散钟声，寂寥谁在听。
临轩眺峰远，归羽入元冥。
故事忆犹昨，沧浪梦未醒。
筇翁神一醉，椰岛已玄青。

五

早却拿云手，今堪值钓台。
垂竿水纹叠，照日雾氛开。
朴拙修良性，殷勤嗟薄才。
子凌滩在我，岁序任相催。

六

歇脚岸边凳，街灯浮入滩。
芬香花在侧，昏暗水犹宽。
售果来空榭，思乡越叠峦。

风中籁声骤，他域不孤单。

张人月

游九华山感赋

来时雨满山，归去雾云闲。
善念无须记，留存心底间。

再游黄山

晨起攀山雨不停，烟弥峰谷似丹青。
岩猴羞见故人面，画鸟轻歌与客听。

刘安坤

夏日谒集安将军坟

方坛石室认王陵，蝉噪人过望帝京。
千里江山分两地，空留将骨一虚名。

寻觅辉南县抗联井

林深一角见斯栏，蔽日遮天阶不宽。
好是游人穷到处，井因活水又波澜。

情系田园

郑 综

楼前小菜园偶得

且做荷锄人，老哉亲垄亩。
晨来植绿葵，夕下分春韭。
逸兴莫论闲，幽怀欣慰守。
时蔬鲜味烹，家酿倾三斗。

刘祝金

下乡 45 周年回富太镇解放村二

首

一

寻访当年事，依稀辨旧坊。
侵苔檐瓦碧，入户柳风凉。
邻老应声至，家醪劝客尝。
儿童不相识，笑我发如霜。

二

锄耒生苔迹，人闲豆不荒。

闻虫花底唱，对弈柳阴凉。

仓廩积年满，生涯放眼量。

分茶话今昔，笑脸照斜阳。

郝为安

乡村记忆四首

炊烟

湿婉朦胧未向高，沉浮缭绕若丝绦。
晨昏不作云飘散，总把乡情系得牢。

池塘

荷露晶莹柳眼青，莺簧蛙鼓两堪听。
萦怀最是清明夜，蓄尽家园月与星。

麦场

指尖土碗掌中馍，语笑喧阗场上过。
无赖儿童尝百馔，乡村滋味此间多。

老井

壁上青苔栏上萝，云窥风逗水无波。
辘轳一曲声声慢，星月提来入梦多。

归乡二首

一

颠狂一径客归来，故里风情不费猜。
惯见别离堤上柳，饱濡烟火院中槐。
乡音带酒声声熟，灯晕涵窗静静开。
三五虫鸣时入梦，扑窗月影又呼杯。

二

故园最是慰蹉跎，千里笛鸣长短歌。
一径风霜天上月，数声鸡犬井边萝。
归来但恨河山老，别去难酬涕泪多。
田圃经年荒草木，犁锄刀斧待重磨。

马淑坤

五月乡村

时光转瞬暮春阑，野陌清歌铁马欢。
犁出一年新冀望，丰收可待令人安。

石 月

秋日访农家

闲庐栖岭下，已惯鸟成邻。
甜果喧秋色，鲜蔬馈友宾，
名峰连咫尺，老酒醉良辰。
苞谷青屏障，蜻蜓落影频。

* “名峰”指南楼山

史宝琴

仲夏回乡所见

骄阳炙烤小溪湾，浓绿绵延浮远山。
暑气催归车影少，农耕陌上几人闲。

高天云

乡村黄昏

暮色低垂日落西，山边霞彩伴牛归。
乌鸦小憩门前柳，柳打初更月露晖。

关文礼

田园二首

一

银锄犹是月缺圆，铲碎清风落垄间。

布谷衔春播种早，园蔬已泛绿光鲜。

二

微风拂起泛青波，满目珠玑绿色多。

更喜园蔬少污染，农家食美少疾疴。

田园偶拾

金风常惠顾，熟透小园蔬。

红柿红灯挂，青葱绿剑出。

秋来香满院，暑退酒盈壶。

闲品餐中味，勤耕自觉足。

田园兴吟 归农

种豆南溪涧，宛如陶令公。

几声山雉叫，数树柳莺鸣。

汗涌浸荒野，身躬向宇穹。

退归林下事，乐此旷达翁。

刘柏林

乡游

居家闲不住，孟夏驾车游。

山水身旁过，清风迎面流。

田边留俊影，草畔看黄牛。

一晌贪欢乐，焉知啥叫愁？

夏日晚吟

红日依山尽，云霞似锦鳞。

蛙鸣声震耳，秧绿景迷人。

老惜儿时妙，童追趣味真。

韶光如电掣，世事已翻新。

意笃情真

边郁忠

游园见牡丹有色白欲落者有赋

兼酬诸诗友

晚花怜别意，况与夕阳沉。

孤白浮生思，绮青垂老心。

移香落疏响，摇叶递清吟。

甘守市朝静，何须念竹林。

得轼霖兄印诗以酬之

得君盈手赠，方寸印怀珍。

汉钮固宗学，秦钤绝有神。

操刀藏高古，耕石本天真。

悟道即如此，无关着鹿巾。

郑 综

甲辰处暑翌日访二闲山庄并寄清忠兄

一

小径通幽处，山庄兴不违。

塘清殊自好，院静许谁归。

可意堪停屐，娱情未掩扉。

无名亭下坐，诗话带晴晖。

二

漫说田中宅，悠然托此身。

禾香消俗累，鸟语斗清真。

庭下宜开卷，窗前近问津。

时来多少客，俱是鹿门人。

村 访

晚霁云开夕色明，郊垌访戴喜天晴。
村中炊起烟深护，槛外人来犬不惊。
相看花丛幽蝶影，犹听泥沼怒蛙声。
山蔬佐酒鲜滋味，杯里沧浪可濯缨。

奚晓琳

冬雪日江畔酒家与旧友约饮三首

一

雪中故事满霜枝，忆到杯前雪笑痴。
信有珍缘似珍酒，醇香陈自少年时。

二

水冷烟低雪落初，隔江消息透云虚。
柴锅老味依然是，拚醉心思剩几壶。

三

雨雪风斜向晚凉，桥头老店座临窗。
我邀君似君邀我，饮到无题只看江。

《枕石集》读后致张新喜吟弟

展卷如闻塞上音，贺兰山月照青衿。
听泉流外借云鸟，种菊篱边对酒琴。
梦里渔樵思堪逐，尘中喧嚷避成吟。
不羁风在清宵里，自有真香吹满林。

汪涛兄约聚

故旧招邀漫酌三，欢娱犹忆海之南。
烧刀子酒心神合，溜达鸡锅滋味谙。
老境相期留逸调，幽襟尽许畅清谈。

情深欣得真真趣，诗句初成笑带憨。

年会得见金平兄并寄

一别经时已白颠，精神未减尚依然。
不妨故事长攒字，犹有新吟自纪年。
久住林中陶令宅，闲修世外夕阳天。
追思衔酒幽怀抱，恰值薰风拂槛前。

刘祝金

赠美龙兄

居处江湖远，襟怀未染尘。
林山寻乐趣，竹石结芳邻。
投食怜松鼠，营巢护野鹑。
三餐滋味淡，风雨不求神。

陈志国

古稀同学家乡聚会

清茶消燥渴，薄酒助高谈。

童趣元同忆，乡愁许共谙。

交心期上寿，辩理纳矜涵。

总把春光领，常逢三月三。

冯启元

奉和吴文昌先生《丁酉贺春》

（七首 外一首）

一

雄鸡初唱动神州，南岛春光翠欲流。

燕聚常思享酬冽，临屏每爱览金瓯。

曾闻广乐钧天曲，试看和衷致远谋。

我举秋毫岂多力，中华威胁论应休！

二

细品新闻日日鲜，民生民计意拳拳。

频听反腐风雷动，每看飞天喜讯传。

红利淹留今始得，长征尚远若临渊。

南针思想千秋炬，寻梦宏图更续篇。

三

历数卅年流弊多，山川看罢叹巍峨。

世风垂地呈颓势，官范失严随逝波。

睥睨青蝇喷毒雾，悲哀烈士枉哀歌。

乾纲一振雷霆激，社鼠坛狐当奈何？

四

盛会欣闻送好风，厘清乱象日初红。

谨依宗旨行方远，横肆江河终向东。

铁帚勤挥除旧瘴，人民创造见英雄。

一言真理终难易：旋转还凭革命功。

五

毕袁梁邓欲何之？不恋深根恋败枝。

蒋府无行尸入墓，尔曹空对鬼寻诗。

日餐周粟能无愧？纵食野薇徒自欺。

有种横心陪葬去，也为百姓省开支。

六

浩瀚苍穹待勇征，科研奋进路千重。
飞船劲绕三千界，彩梦能期百代功。
曾历辉煌明史鉴，今经砥砺薄云空。
虚无一论当休矣，恰似阴沟起逆风。

七

花落花开又一年，佳什读罢叹春妍。
谪仙酣醉秋江上，子美行吟饭颗前。
身被光风焉易老？心存雅韵总难迁。
江郎正值文思涌，日月如灯笔似椽。

外一首 春晚临屏

四方佳气唤春回，五福临门共一台。
塞北冰宫生幻梦，江南瑶圃绽红梅。
歌为号角期长足，咒起妖风必祸灾。
当此欢声连海内，毕袁梁邓岂无痍？

陈春玲

天涯故侣

雨霖花树水浮香，浪卷鸥飞易感伤。
洞笛芦歌今夜泪，月圆难捣旧时光。

感恩深

十三春似梦，君子善如贤。
松竹祥云绕，梅兰锦水潺。
蔷薇花捧福，谢豹镜托缘。
频举嘉怡盏，重开画室喧。
佛恩今浩荡，从此共年年。

刘显双

夏日与众文友枫雪采风有记

漫步鸡山景色殊，通幽木栈入青芜。
千条柳线风荷映，一阕诗文邑野铺。
坡上黄花围玉蝶，蹊边旧屋集鸿儒。
今将碧水权当墨，信笔勾来白桦图。

逢农安诗友来桦甸采风有感

追随雁阵出黄龙，千里迂回一梦中。
曾是当年青眼客，忽成今日白头翁。
山花有意含清露，枫叶多情搭彩虹。
辉发潺湲接伊水，诗心从此更联通。

王 微

遇乡亲

西风携雪弄奚琴，故叟相逢叙旧音。
十里烹熏香堡外，擎樽万里暖乡心。

张 英

浣溪沙归乡和同窗北岭小坐有感

叶落秋深景不同，心如枯草乱蓬蓬。
蓬。已无底气恨飞鸿。 岁岁年年

归切切，年年岁岁太匆匆。闲亭小坐
是重逢。

陈 波

甲辰中元祭后与弟老屋留饮

故坟祭罢尚思服，携酒西山探旧屋。
天井狐藏草木深，宅园谁种秋葵熟。
凄凉不整笥中衣，狼藉难收榻上牍。
兄弟相看老眼浑，停杯几欲吞声哭。

南乡子·与妻

昨夜懒书房。灯下新诗写断肠。

因向琐窗虚一问，梅娘。纤手斟来茗
雪汤。

题罢自矜狂。急就屏前论短长。

但笑字乖声太古，酸伤。不似春茶款
款香。

刘 晶

赠王少刚老师

客路莫愁津渡远，微群常访讯音传。

离骚风雨十年述，别赋关河一卷牵。

怀旧窗前环牧野，思君月下忆名贤。

草堂何日相逢再，共把诗吟寄故园。

赵迎华

烛影摇红·挚友生辰有贺

日月如梭，恰逢新岁韶光又。赠

君佳酿似无凭，欲把清词秀。聊

借春姑之手。寄心声、风弦慢叩。高

山流水，彩凤求凰，柏松同奏。

踏莎行·寄故事里的孪生兄妹

世事神奇，文章清绝。梨花拓跋

书传说。连枝果系梦中人，相逢影即

如梅雪。 有意芝兰，无关风月。

初痕同印生辰帖。长庚驿路逐风云，
亲缘自与诗缘结。

魏聿虹

点绛唇·思念母亲

梦断残更，疏烟摇影轻轻舞。感

恩娘抚，风雨艰辛路。 希冀襟

藏，赤子痴情愫。心香炷，幻中慈

母，云绕倾心诉。

夜游宫·雨夜相思

郁闷心空盼曙，雨敲乱，庭榆枝

舞。晓梦乌啼唤声楚，夜长长，冷凄

凄，何处诉？ 独有相思苦。再难

寐，离愁情愫。千里君行打工路。若

临危，病伤侵，谁去抚？

姜新华

七月十五祭父

中元临近紫烟孤，街口烧钱寄远途。

天府可曾沽浊酒，人间自此笑声无。

于柏常

初伏建楠兄邀饮

玉米缨簪紫禁藏，伏初为念聚文昌。

已无菊色求青帝，尚有檀枝献素王。

为夹酥鱼风拂袂，正含虾尾酒倾觞。

登高虽是应宜赋，醉取犹能诗几章。

邹振勤

致恩师

每忆包蒙灌顶恩，慈颜笑口掌黉门。

教鞭指处疑云散，金榜开时喜泪奔。

万里征途添虎翼，千秋使命塑人魂。

古稀仍梦闻鸡起，恐误心田种慧根。

来自娘亲的祝福

鸿雁南征又北迁，雏声老翅共长天。

春来柳绿心花放，秋去风清云路穿。

异地正当行泰运，吾儿幸得配良缘。

舟车不耐隔山水，舐犊亲情赖网传。

与孙话端阳

外祖深将孙手牵，江山兴废话忠贤。

尽寻香艾门楣插，各取红绳腕上缠。

骇浪滔滔由鬼弄，英魂凛凛被心传。

汨罗万载终悲切，屈子如今去未还。

张春和

柰园闲酌

新曦芳蕊约，笃挚共斟觞？

市聒柰园静，枝低庭砌香。

风云多变幻，山水自清凉。

草木堪知意，花间蝶梦长。

友约酒宿浩水山庄

吟窗霏露梨云绽，气不从心梦笔难。

酒兴岂知情几盏，酝诗宜若夜孤阑。

一晨顿悟仄平路，满月濯明鸥寂滩。

俊岫潺溪蕴真意，风清苔冷蝶回栏。

张人月

游江西篁岭遇好友

时雨时晴翠色清，云烟飘渺半山横。

黄花逐水随春去，巧遇知音情更生。

晨起与众姐妹赏荷

梦里几番约，今晨终得看。

霓裳惊玉露，曲盖迓儒冠。

半亩荷塘艳，无边笑语欢。

归来思画景，余兴又三竿。

散题杂咏

边郁忠

晓 坐

曙梦惊啼鸟，连窗带月过。
颜衰惜残腊，鬓局对寒柯。
踏雪愁来少，翻书惑渐多。
朔声频扰思，久听亦如歌。

倚 窗

腊尾味殊淡，移窗近杳茫。
心慵断残忆，客久乱闲肠。
梦犯三更雪，鬓添经岁霜。
如何王粲赋，一读一神伤。

临 窗

榆钱黄入夏，砌草碧成窠。
市井喧能避，晨昏闼可磨。

应知愁久客，无意羨崇阿。
尚有春秋事，临窗数雁过。

宿金徽酒厂

微雨增寒翠，山声入夜多。
梦沉延酒海，枕欹近天河。
古意青泥出，幽怀白水过。
糟香并酣起，留忆醉中歌。

奚晓琳

卜算子·烟花

欲并九天星，欲逐春潮涌。欲效
云雷第一声，邀尽时人宠。 开也
满心欢，落也无香冢。残梦空阶几缕
烟，任被风吹弄。

太常引·望月

光分幽独寂无声。长夜自耽行。

魑魅影纷呈。犹照见、人间不平。

雨蒙云昧，天心不逮，徒费大潮生。

江海晏无凭。圆缺意、怜谁抱冰。

苏幕遮·初夏郊行

柳梢青，飞絮起。追逐尘风，扰

鬓无从避。蓬雀喧群虚妄里。聒罢寒

春，凉夏犹难止。过江云，传雨

意。颓暮如年，不复花红季。荒草浮

烟笼去水。野径人稀，独对丁香紫。

郑 综

晓起郊行

迎晨出郭东，渐薄层层雾。

一径鸟争鸣，千畦禾著露。

徐行过石溪，小伫耽花树。

幽抱散尘襟，曦光云岫吐。

雨夜寄怀

是夜风携雨乱飘，一窗声响尽喧嚣。

失眠倚枕支憔悴，相慰翻书破寂寥。

漫许身安新茗碗，犹寻句入老诗瓢。

余年最喜无拘束，丘壑于胸道不消。

晨霁看花

风雨连宵晓渐微，楼边独伫叹芳菲。

铅华漫落埋幽径，锦绣全消湿旧帏。

疏影尚留前日叶，残香犹上故人衣。

又多嫩蕾新颜著，何事游蜂还不归。

卢继清

冬日寄战友

心林寂静雪无痕，月淡云凉酒尚温。

约得杯前斟冷暖，重回塞外饮晨昏。

野营同宿风沙帐，列阵共看家国门。

远去何须翻旧忆，那情那景已珍存。

卜算子·春风

拂过小桃红，吻过青青草。揽过
人间第一枝，疏影丝丝绕。来也
不回头，去也无从扰。吹落云纱化雨
时，再把烟尘扫。

西江月·七一勋章获得者黄文秀

血沃壮乡热土，魂牵百色农家。
归来秀女唤朝霞。垄上铺春种夏。
一去精神永驻，五年思念无涯。大山
从此酹黄花。最美青春入画。

鹧鸪天·林中落花

落瓣余香馥小溪。回眸绰影漫春
池。花前犹忆丝丝语，月下还怜片片
痴。

辞玉蝶，托云霓。一开一谢惹情
迷。惯看绿长红消处，最是心期果满
枝。

虞美人·忆儿时挖野菜

小丫伢俩来村外，兴把新芽采。
小根蒜白比珠玑，野韭柳蒿鲜嫩正相
宜。寻香剪绿求温饱，恐怕春山
老。抱真时节好提篮，回味青葱日子
苦还甜。

冯启元

赋得一陂春水绕花身（集古人句）

一陂春水绕花身，不著寰中半点尘。
万里是家家是客，物华又与岁华新。

注：分别为王安石、于谦、沈德潜、陆
游句。

初夏感事

熏风蹇蹇柳枝新，乍暖还寒难可人。
千里回归连倦意，十年奔走瘳疲身。
地分南北诚多事，气动炎凉苦不均。
何得天公抽宝剑，重裁大块布芳春。

陈志国

端午三首

一

千般演化已嫌繁，眼不蒙尘耳不喧。
江底横流仍暗涌，谁来洗去左徒冤。

二

红黄列队势惊涛，鼓乐喧声逐浪高。
屈子清音终作底，载舟水在咏离骚。

三

每逢端午忆良臣，天问千年听得真。
转顾秦城文武客，有谁可比跳江人。

刘祝金

步逸白洪元二兄韵

莫问虚龄几十春，青丝渐渐染霜尘。
时敲平仄吟风月，间煮茶醪待友人。
下海捞金无利爪，辟园栽豆役闲身。
生涯得意能温饱，圆缺阴晴不较真。

参观傅新立先生书法篆刻展

江湖不屑问功名，幼小攻书老大成。
春去春来研逸少，锋藏锋露逐真卿。
狼毫稳健含风骨，儒墨沉涵纳古情。
拂落尘埃彰国粹，端端正正写人生。

浣溪沙·听郑综社长工作报告

雨过云开见艳阳，仙人湖畔柳风凉。
边城雅客聚明堂。 往昔回眸

多感慨，前程筹划费思量。家乡山水
润华章。

浣溪沙·参观抗日战争纪念馆

走进长廊冷气侵，周遭环顾感萧
森。图中篝火暖人心。 冰雪难消
驱寇志，饥寒无阻战霜林。存亡听罢
泪沾襟。

王少刚

壬寅岁杪又拾

大疫三年隔，悠然一转眸。
有生如梦蚁，无处系乡愁。
病骨因诗累，孤襟对月忧。
人间多少事，只为稻粱谋。

癸卯近谷雨拾句

春暮行于野，丘田犹未耷。
泥膏香欲醒，柳岸绿眠砂。
举袂尘氛满，塞喉饥雀遐。
但能天雨粟，南畝尽栽花。

暮春随笔

望远绿深浅，沿溪过画桥。
云行藏雨脚，径曲落花潮。
孤抱怀清净，诗情感寂寥。
拾来山水趣，正可寄琴箫。

吴少文

谒道德经碑

悄向苍峰觅史篇，真经醒目理犹玄。
浮华悟透凡心了，世事参通客梦圆。

问鼎青牛修玉册，披云白鹤奉金仙。
人生悲喜虽无度，道法空灵本自然。

河洛文明

创世河图贯古今，人文画页洛书寻。
张弓旷野矢声疾，淬木幽涵篝火深。
玉石雕成修绝学，青铜铸就慰痴心。
栖居泽畔生机旺，圣迹悠脩遗碧岑。

洛阳文物珍宝

悄伫华厅梦幻频，霓虹熠熠醉奇珍。
观音法相金光烁，白玉禅杯宝气匀。
巧匠制陶滋雨露，能工铸鼎沐星辰。
迷离铜镜仙踪渺，月影依稀照水滨。

洛阳唐三彩

捏出泥胎塑像呈，包浆彩釉极乖萌。

文官拂袖欢颜爽，武将张弓怒色惊。
绰约美人含笑靥，风流儒士自多情。
犹迷走兽形神妙，未见陶工琢艺名。

赵 波

小 年

白雪红花辨两乡，廿三廿四且遵皇。
随风走马江湖外，奉旨传音锅灶旁。
昨日寒山催岁老，今朝绿草卧天荒。
居家随俗追云客，直把苍烟入酒肠。

散 步

夕阳落箸半杯空，漫步玄真自可融。
笔直擎天行道树，蛇环入地碧波冲。
东风不管黄还绿，夜梦何关富与穷。
但得光阴随意处，银丝飘渺是仙翁。

老伴网购家乡小菜有得

儿女谋生远故乡，牵连老子是寻常。
独苗伴影同云路，两地凝眸异水光。
口味难从风土变，神情易获碗杯凉。
街摊谁解幅员物，网络惟寻旧日香。

上巳感赋

生来雪国寄身寒，幕影书文座上观。
识得金花先赛马，须于春褙后题兰。
人居南岭高狮舞，梦转松江碧水湍。
鼓瑟长风花乱雨，清觞满酒对天弹。

赵雪峰

观英仙座流星雨三首

一

无限光华掠宇寰，恒沙飞渡大江湾。
去来搔首三生后，青紫凝眸一瞬间。

巡夜幽怀空默许，论心素愿已全删。

恍知我亦微尘上，履迹可曾添锦斑。

二

星火凌虚眸有痕，同光遥覩各飞奔。

偶逢何必著相卜，漫品真非醉可论。

入世立当杨子路，巡天坐隐地球村。

会期亿万斯年后，尔我来归席尚温。

三

一念陆离诸象生，可堪逆旅付单程。

目迷银甲划参错，神契朱辰迭晦明。

浊世淹留因钱约，光年穿越若关情。

劫余识得乾坤小，记取缤纷只莫争。

怡园十三韵

园雅何须大，闾阎锁寸阴。

区中贤勒石，尘表独听琴。

敞榭荷前席，虚窗梅畔音。

竹风朝戛玉，池水晚浮金。

莫是蟾光换，真如蝶梦临。
阶幽宜绝响，径仄便微吟。
松籁清无可，草庐凉自任。
叠山余怪笑，面壁见凡心。
更向隅隈住，懒从山海寻。
行来思渺渺，归去感骎骎。
岂必花先发，势将霞满斟。
婆娑裁节序，斑驳荐衣襟。
谁谓沧浪小，卓然秋水深。

刘显双

黄花涝老宅

时空追梦梦犹真，紫阁曾囚几度春。
脚下这条青石路，走过多少达官人。

秋 忆

岁月匆匆又启航，丹枫似火映残阳。

白云朵朵飘天际，鸿雁群群觅暖房。
两岸青山歌婉转，千般思绪意苍茫。
旧情难却心还念，回忆如泉总泛觞。

秋 原

是处秋光入画图，微风轻拂笑相呼。
稻田铺就鎏金毯，云朵飘成软玉弧。
摇曳霜枫燃若焰，细描盛景美如酥。
倚窗遥寄心中愿，星耀苍穹酒满壶。

秋 韵

漫游林野觅清珠，暮霭悠悠似唤呼。
且为秋晖添锦色，还期岁月铸丰炉。
微风拂面诗心涌，落照披肩意韵扶。
点动时光回放键，往年记忆自生图。

张 英

浣溪沙·忆双亲

难把伤怀鬓底埋，风翻无奈旧时乖。
椿萱一去不回来。 人在他乡

谁问讯？途经逆旅自安排。此情托月

远尘埃。

浣溪沙·无题

无肉堆盘酒一卮，个中滋味怕人知。凭窗独对雨如丝。那日那年新月下，那年那日小桥西。芳华流尽剩相思。

陈波

启 处

朝畏工迟独不眠，举身出户月高悬。逆风枵骨砭砭尔，垂露苍须凛凛然。餐铺初开灯引客，气炉微热釜生烟。粥齏尽饭枯肠饱，为赚些些挂杖钱。

立秋前二日江行

苍山疏豁大江分，雨后褰裳暂去群。绝道溪湍从谷泻，凝脂松粉向人熏。愁多且坐草中石，望远还看天上云。白鹭悠悠下清渚，一生饮啄与谁论。

元 夕

昨夜江村酒晚，归来灯火繁华。
十里笙歌水岸，一轮明月天涯。

好事近·盼

江上素冰开，千里平涛初碧。柳岸晓风朱榭，正凭栏幽立。远山如黛暮云轻，微雨青衿湿。忽听梁间新燕，说江南消息。

苏幕遮·初夏

玉珠收，金缕褪。凝碧生烟，不辨芳尘印。石径春苔深一寸。独向空林，领略苍山韵。鹧鸪飞，蝴蝶隐。真籁灵泉，水上飘松粉。寂寞浮萍开未稳。检点杨花，吹作东风允。

付 静

母亲节有感

长大长随不了情，唠叨声里岂堪听。

人间记取春模样，尽在疏疏雪鬓中。

年

雪花堪作柳绦裙，喜鹊登枝别样春。

袅袅炊烟腾瑞气，融融灯火暖良辰。

倾杯畅饮风云淡，握手欢言日月新。

历历韶光再回首，依依还是少年人。

南歌子·惊蛰

久蛰虫初醒，春生燕复还。一雷
懵懂入长川，万里河山得令，绿人
间。

未敢言身老，由来羨少年。明窗
小字梦三千。欲借和风传信，到君
前。

鹧鸪天·雨水

残雪零星驻小城，一沾微雨更晶
莹。桃芽鼓鼓殷勤待，乳燕啾啾婉转
鸣。

云袅娜，雾迷蒙。风流并蒂许多
情。任谁能舍光阴去，不在红尘留姓
名。

曹 宏

瓦 匠

几度回头望故乡，新娘别过别亲娘。
构砖半块呆看久，切念相思砌上墙。

飘 泊

酱醋米盐薪，操劳汗湿巾。
生为东北汉，老作岭南人。
著力驱穷鬼，吟诗会洛神。
五千年上下，我是一漂尘。

满江红·客居有怀

梦里家山，秋正酽、松花江阔。
带两岸、灿黄千里，稻花香彻。水色
漫天兰似碧，枫魂满岭红如血。数风
流、黑水白山人，多豪杰。平日
好，常有缺。重把盏，伤离别。旧时
何曾忘、抱残寒月。北望排鸿思绪
长，东窗凑句吟情切。再回首、塞上
已苍茫，纷纷雪。

鹧鸪天·七十回首

乱岁风华出草庐，胸怀革命斗酸
儒。荒唐十载陈年事，梦醒回头笑买
珠。

寻故影，想当初，愧惶不读圣贤
书。杯残作问谁耽误，镜里颓颜不丈
夫。

浣溪沙·拾叶

古宅小庭老树前，断红枯草落英
残。拾来久看泛心酸。木叶飘零
应似我，秋霜扫过也斑斓。青黄换处
一江宽。

曹卫正

读毛主席诗《人民解放军占领南京》

中原交手蒋兵哀，饮月长江数栋材。
一夜东风城草绿，千帆岸畔石门开。
寒流刺胆兼程雨，天下归心壮士杯。
问剑边陲歌满地，三军回马印苍苔。

西江月·新年得韵

一路沿江辞卯，两堤铺雪迎春。
乡田巷陌玉壶臻，枕醉乘波逐韵。

除夕烟花避月，新元瞳日诤春。逢年

长岁不由人，几点沧桑足印。

解金苓

题赠唐宓老师

华芳别样遇辰开，李下桃蹊韵自裁。

皓齿香凝歌雪柳，长空扇舞动桃腮。

宓神散落人间雪，洛水流飞漱玉台。

我亦直情思羨久，芸书幸得画屏来。

贺雪柳诗社四十华诞

风匀物节卅年秋，载酒吟诗韵齿喉。

曾念春花题壁野，亦随松水放飞舟。

分芸携侣山川览，拈字牵襟竹鹤游。

为道何嫌遗恨远，星辉雪柳作长流。

赵迎华

元夕夜游

又见东风催玉树，横流笑语逐飞花。

小儿遥指漫天雨，喜说星星落我家。

冬日闲吟

风锤篱障外，雪映鬓毛边。

山影浮云岫，禽声落野泉。

偷闲消块垒，向暖问炊烟。

世事何堪指，随心亦自然。

登高

向晚登临欲赏秋，逡巡故地渐凝眸。

炊烟映像浮云脚，野蓼香波撞玉钩。

世事无常心底落，乡愁剪辑梦中悠。

思追五柳东篱近，独倚蓬门不羨侯。

临江仙·春庭向晚沐斜阳

枝头鹊鸟频啄日，蓬门序也营

营。烟花易冷莫争鸣。举杯何问客，

知己莫非情。 圆缺阴晴弦外事，
东风吹瘦寒星。一弯小月映红灯。老
翁斜寐处，稚子弄冰声。

蝶恋花·调名本意

缱绻西园翩彩袖。消得风轻，欲
把和声奏。一曲幽歌心事透。秋波渐
冷花枝瘦。 几度别离何奈又。教
使情痴，重系相思扣。蛰伏篱边将梦
守。相期应在寒冬后。

韩 璐

鹧鸪天·父爱

为父平生秉善真，躬行奉献爱无
垠。沐风淋雨千番累，迎雪经霜万苦
辛。

严教子，望成人。尽倾心血享天
伦。常怀惻隐安康祝，祈愿如期度俗
尘。

韩明举

赏荷拾句（进退格）

柳岸探仙境，佛光心系莲。
采风花弄影，写意画波澜。
蝶舞庄周梦，蜓闲尖角眠。
甲辰荷月里，锦色尽余欢。

立 秋

高天云破暑，落叶织金秋。
残藕沉香老，清风夏色收。
空山新雨薄，朗月旧痕悠。
知了悲凉调，香醅暖我喉。

七夕

鹊桥通界水，织女会牛郎。

昔别相思久，重逢涕泪长。

离人遗旧恨，归客抚新伤。

耿耿银河路，年年哭断肠。

初秋雨

高天云避日，深夜失星光。

柳岸风声起，雷霆雨打窗。

溪流捐瀚海，灵泽入汪洋。

祸福何须说，初秋微觉凉。

浣溪沙·园丁

养树培根育栋才，教书明智暖心

怀。满园桃李竞花开。 粉笔寸肠

吞日月，红心一颗染阶台。园丁使命

不须猜。

霍阳

夏晓观荷

碧叶慵舒卷，朱华醒澹茫。

生香凝宿露，弄影拥曦光。

故苑乡怀暖，清阴客近凉。

流连因入画，饱眼忘饥肠。

喜闻雾凇诗社诗友获奖

三千白发付吟肠，摘得桂冠殊誉彰。

策马长安花看尽，登台大雅志凭将。

诗情入斗追西晋，墨妙行云继盛唐。

独领枝头非傲雪，梅开为作报春芳。

中元节扫墓

衔悲薨却草蒿萋，供果焚香跪泪迷。

柏影幽幽遮古道，松风瑟瑟拂荒蹊。

追思往昔亲恩厚，痛悼今朝别意凄。

纸蝶纷飞情不尽，青山欲雨暮云低。

自 语

消愁枉自藉壶觞，醉里乾坤空一场。

避世何堪效鸵鸟，归田不可负年光。

更深每省新诗瘦，露冷犹存晚菊香。

睥睨斯文识墓表，宜将直笔逐羲皇。

秋 声

冷月高悬照院亭，寒蛩凄切诉秋声。

霜风渐紧凋芝草，露气初浓湿菊英。

独对孤窗新旧事，难忘长夜去来程。

流星一道身燃尽，不见银河北斗惊。

常立海

入秋感怀

蝉鸣三两落枝头，塞外烟村暑渐收。

或许深宵含冷意，几多黄叶泣寒丘。

桑榆无奈光阴短，芦荻难羁岁月流。

瑟瑟西风拂霜鬓，萦怀乱绪荡悠悠。

高中鲜

冬 趣

天晴日暖笑临风，老友郊游兴若童。

冬泳寒江添逸趣，高山滑雪竞雌雄。

满篱小苑陀螺转，十里长堤纸鹞冲。

安享晚年多惬意，吟诗煮酒一闲翁。

朝玉阶·梨花殇

香雪轻飘淡若云。贵妃摇玉蕊，
秀钗裙。冰肌娇靥启馨唇。临凡尘未
染、守清纯。 断肠清泪倍伤神。
梨花殇逝水，负三春。无情风雨打花
贫。落红随梦去、恋芳魂。

贾宝良

蝶恋花·自侃

莫笑闲身才貌丑。御马驱车，执
掌吟鞭久。乐向桃源三径走。采风携